

Saya Nampak Mereka Di Neraka

Ini adalah kesaksian saya mengenai penglihatan malam yang saya alami tentang neraka pada tahun 2010.

“28 Kemudian dari pada itu akan terjadi bahwa Aku akan mencurahkan Roh-Ku ke atas semua manusia, maka anak-anakmu laki-laki dan perempuan akan bernubuat; orang-orangmu yang tua akan **mendapat mimpi**, teruna-terunamu akan mendapat **penglihatan-penglihatan**.”

Yoel 2:28

Tampaklah kepada saya suatu penglihatan bahawa saya berdiri diatas suatu permukaan tanah yang tandus dan merekah. Tiba-tiba tempat yang saya berpijak itu langsung terpecah dan saya terjatuh ke dalam suatu ruangan yang gelap. Tidak lama kemudian muncul cahaya seperti bara api tampaknya yang muncul dari sebelah sana kemudian menjalar ke sebelah sini cuma api itu tidak dapat menjamah saya. Apabila sudah ada cahaya yang menerangi tempat itu di suatu sudut di depan saya kira-kira 15 meter dari tempat saya berdiri saya melihat bermacam-macam jenis saiz tempayan. Yang saya hairankan saya mendengar bermacam-macam bunyi serta suara yang mengerikan seperti manusia tetapi saya tidak melihat seorang manusiapun di sana. Ketika saya masih kahairanan tiba-tiba muncul disebelah kiri saya kira-kira 10 meter suatu susuk makhluk yang seperti manusia tetapi mempunyai tanduk dan rupanya sangat menakutkan. Ia memegang serampang bermata tiga dan tidak henti-henti ketawa seperti sangat bersukacita.

Kemudian ia memandang saya dan berkata, “manusia pergi ke sana”, kemudian ia ketawa dengan kuat sekali. Tanpa saya sedari tubuh saya terangkat dengan sendiri kemudian saya melayang diatas tempat tempayan itu diletakkan. Ya Tuhan, rupa-rupanya didalam tempayan itu ada manusia, lelaki dengan lelaki dan perempuan dengan perempuan, dan juga di tempayan yang agak besar sedikit saya melihat ada tiga orang iaitu seorang lelaki dengan seorang lagi lelaki dan juga seorang perempuan, juga dua orang perempuan dan seorang lelaki. Tempayan itu sangat sempit dan walaupun ada yang besar tetapi didalamnya terdapat banyak juga manusia. Saudara, mengerikan sekali, teriakan dan tangisan serta ratapan kedengaran di telinga saya, saya melihat tubuh mereka itu mereput dan berkulat, warnanya macam ungu kebiruan, kemudian di bakar didalam tempayan dengan api yang marak apabila api tu datang dari sebelah sana. Saya melihat mereka terkapai-kapai untuk cuba memegang saya dan merayu supaya diselamatkan. Tempat itu sangat luas yang terdiri daripada bermacam-macam saiz tempayan kemudian apabila saya melalui sebuah tempayan yang kosong tiba-tiba saya berhenti melayang kemudian berdiri di sebelah saya makhluk yang saya lihat tadi. Ia menarik saya dengan serampang bermata tiga yang ia bawa dan memasukkan saya dengan kejam ke dalam tempayan itu. Ya Tuhan, ketika itu ketakutan mula menguasai saya. Saudara, suasana dalam tempayan itu pada ketika itu sangat sakit dan seksa yang amat teruk sekali saudara beserta dengan gelak ketawa yang mengerunkan dari makhluk itu. Kemudian saya mula merasakan

panas yang semakin kuat apabila api yang disebelah sana mula menjalar ke tempat tempayan dimana saya berada.

Saya mula berfikir saudara, adakah saya sudah mati dan masuk ke dalam neraka? Fikiran saya kacau dan bermacam-macam soalan yang timbul beserta dengan kesakitan dan kepanasan yang tidak dapat digambarkan di dunia, lantas saya berseru memanggil nama Tuhan Yesus Kristus. Semasa saya berseru "Yesus Kristus" pertama kali makhluk yang diatas saya mencucuk saya dengan serampangnya itu, ia kelihatan sangat marah dan tidak berbelas kasihan. Kemudian saya memanggil untuk kali kedua dan ketika untuk ketiga kali selepas memanggil nama Tuhan Yesus Kristus, tiba-tiba dari atas ada suatu cahaya terang benderang memancar ke tempat saya itu dan saya diangkat dari tempat itu dan dibawa naik ke atas.

Kemudian saya mendengar suatu suara berkata kepada saya. "Anak, engkau telah pergi ke tempat itu. Kabarkan kepada dunia bahawa apa yang engkau nampak dan alami sungguh ada dan nyata. Akulah Tuhan Yesus Kristus yang menyatakan kepadamu." Selepas itu saudara ada damai sejahtera yang sangat nyata sekali dan sedikit demi sedikit saya dipulihkan daripada ketakutan serta kengerian. Saudara, cahaya itu datang dari Tuhan Yesus kristus tetapi saya tidak dapat melihat muka serta tubuh-Nya tetapi saya hanya melihat suatu cahaya yang terang benderang dimana saya tidak mampu untuk menatap cahaya itu. Tetapi saya tahu itu Tuhan Yesus Kristus ketika Dia berkata-kata kepada saya. Kemudian saya mendengar lagi suatu suara, "ingat anak Ku." Lantas saya tersedar dan terdiam kerana pengalaman itu sungguh nyata sekali dan saya masih terfikir-fikir siapakah mereka yang berada dalam tempayan yang telah saya lihat.

Yang saya lihat adalah mereka yang semasa hidup mereka di dunia terlibat dengan homoseksual, lesbian, dan biseksual, juga transgender. Saya nampak mereka di neraka.

"27 Demikian juga **suami-suami meninggalkan persetubuhan yang wajar dengan isteri mereka dan menyala-nyala dalam berahi mereka seorang terhadap yang lain**, sehingga mereka melakukan **kemesuman, laki-laki dengan laki-laki**, dan karena itu **mereka menerima dalam diri mereka balasan yang setimpal untuk kesesatan mereka.**"

* Roma 1:27

"9 Atau tidak tahukah kamu, bahwa orang-orang yang tidak adil tidak akan mendapat bagian dalam Kerajaan Allah? Janganlah sesat! Orang cabul, penyembah berhala, orang berzinah, **banci, orang pemburit**, 10 pencuri, orang kikir, pemabuk, pemfitnah dan penipu **tidak akan mendapat bagian dalam Kerajaan Allah.**"

* 1 Korintus 6:9-10

- banci (homosexuals)
- pemburit (sodomites)

Note : Tempayan-tempayan itu adalah lubang tempat mereka diletakkan. Pada waktu itu pandangan saya dibukakan sehingga saya dapat menembus pandang dari bahagian depan lubang tempat jiwa yang diletakkan yang menyerupai tempayan.



Evangelist Ayrton
Year Of Glory Ministries

evangelistayron@gmail.com

www.DivineRevelations.info/MALAYSIAN